

益都縣志卷之七

事功

鍾諤序

太上立德其次立功夫子曰大道之行也與三代之英丘有志焉而未之逮也夫一命之吏苟懷利物必有所濟況於亮天工熙庶績成大名顯當世者乎今集前代彪炳史冊及近今允愜輿論者詳著於編將使曩哲永其徽聲來修景其芳烈尊賢尚功之遺亦君子所樂道也

齊

益都縣志

卷之七

一

管仲穎上人少與鮑叔牙友善已而鮑叔事公子小白管仲事公子糾及小白立爲桓公公子糾死管仲囚焉鮑叔遂進管仲仲旣用任政於齊齊桓公以霸九合諸侯一匡天下管仲卒齊遵其政常強於諸侯按仲非益產然尊攘定霸有功於齊最鉅益與臨淄接壤則正其首被之地故特取之以冠人物外此泛言齊者皆不載

元魏

賈思伯仕魏累宦至衛尉卿謙恭下士人曰公今貴

重寧能不驕思伯曰襄至便驕何常之有世以爲雅言

南唐

韓熙載字叔言五代之亂熙載投南唐累官至中書侍郎多置妓妾晝夜歌舞謂僧德明曰吾爲此行正欲避國家入相之命僧問其故熙載曰中原常虎視於此一旦眞主出棄甲不暇吾不能爲千古笑端初熙載之走江南也陶穀送別各言所志熙載曰江南果相我當以長驅定中原穀曰中原若相我下江南

益都縣志

卷之七

一一

如探囊中物穀後相周世宗定江南而熙載之言不驗胡氏以爲熙載文士高談非穀沉毅有智畧之北是故然已使世宗唐主易地而君熙載豈無能爲者知時不可爲而能沈晦以免禍其智亦足稱也繁欽於劉表數欲見竒杜襲喻之而止李驤爲劉崇所殺至有無負經濟之才乃爲愚人謀事死固有甘心之歎然則熙載其賢乎見齊乘

宋

張宏字巨卿太平興國中舉進士爲將作監丞遷著

修太平 歷左拾遺太宗 曰朕自御

以來親擇群材大者爲棟梁小者爲榱桷卿與呂蒙正皆中朕選累官吏部侍郎真宗朝命宏與王旦登聞鼓院再掌吏部選宏修謹守位不求赫赫之歷踐通顯未嘗敗事子可久至虞部員外郎可道國子博士可度太子中舍

王曾字孝先鄉貢禮部廷對皆第一真宗時累官叅知政事王欽若方挾符瑞附會帝意排異已者乃罷曾出知應天府尋復叅知政事真宗不豫皇后居中

預政命曾入草遺詔以明肅皇后權聽斷軍國大事丁謂入去權字曾曰增減制書有法表則之地先欲亂之耶丁謂欲宦官傳奏禁中畫可以下曾口兩宮異處而柄歸宦官禍端兆矣曾正色獨立朝廷倚以爲重丁謂去拜中書門下平章事封沂國公卒謚文正

燕肅字穆之舉進士累官龍圖閣真學士歷知數州皆有善政知審刑院冤獄盡釋肅性巧嘗造指南車里鼓及欵噐 花漏人 其精子度第進士累官

大夫知潭州孫瑛官至戶部尚書

沆字子真第進士知渤海以親老求監州稅歷湖南轉運使時湖南蠻唐盤二姓寇殺居民官軍數不利沆言蠻驟勝方矯未易鬪力宜須秋冬進兵請選邕宜融三州卒三千人習知山川枝藝者擣其巢穴分布餘兵絡山足出則獵取之俟其勢窮力屈乃可順撫朝廷用其策二族乃降加直史館知潭州儂知高亂仁宗命沆安撫廣西徙陝西河北皆有政績累遷龍圖閣直學士終戶部侍郎司馬温公銘其墓云

益都縣志

卷之七

四

光普通判并州事公於河東銘曰古之君子德盛道尊望之儼然卽之也温公正衣冠嚴不可干施之於政乃仁乃寬吏畏而悛民思弗緩歎銘垂美以告後昆碑今在益都城南駝山下

張擇行字行先歷官右司諫與唐介包拯共論張堯除節度宣撫兩使不當語甚切遷侍御史官終集

院修撰

所登進士爲監察御史高宗卽位遣所按視陵寢

潛善 邪不可用恐害新政改兵部郎中

江州安置後李綱入相欲經畧兩河乃薦所

閣充河北招撫使許自辟置以便宜從事所入見

上利害上賜五品服遣行所方招徠豪傑以王彥爲

都統制岳飛爲準備將已而李綱罷相所落職安置

嶺南

仇念字泰然舉大觀三年進士初令鄧城職滿耆

遮泣不得去歷武陟攝高密剖決如流事無淹夕民

至懷餅餌以俟決遣又攝青州司 當去邑氓擁歸

縣廨然火警守愈由它道間走或追拜曰公舍我去

益都縣志

卷之七

五

我必使公復來它日白事郡庭忽數千人徑奪以歸

守將不能遏時劇寇起相戒毋犯高密已而卒叛亂

獨呼曰無驚仇公也南渡後知廬州劉麟入寇統制

張琦欲驅民南走先脅恚出恚曰吾當以死殉國堅

不爲動時令諸郡棄城退保恚力陳不可卒全活數

州之衆後浙東宣撫使知明州以挫豪強獎善良爲

理吏受賕雖一錢不貸豪猾斂跡州罹兵火學校毀

廢乃斥公帑百六十萬又丐於耆舊鄉老得錢八十

萬益以賦 助其供給復摧廢材而更新之買公田

行鄉飲酒禮歲歉發官 損 直民無死徙進 一
等已而加通議大夫寶文閣學士陝西都轉運使時
金人無故歸疆力陳非策秦檜疾其異已落職已而
金人果復陷所歸郡邑乃復待制再知明州一如初
政其在州也常欲薦一幕官問曰君日費幾何對以
十口之家日費二千余驚曰吾爲郡守費不及此屬
僚所費倍之安得不貪遂止不薦後被讒退居奉化
以田一百六畝歸於郡學爲養士費郡人祠之後知
平江府封益都伯

益都縣志

卷之七

六

李宥字仲嚴父覺舉九經歷官國子博士直史館宥
善屬文知蘄州歲凶人委嬰孩于道宥令吏收取計
口給穀多所存活歷官諫議大夫知江寧府有善政
終判留司御史臺性清介與物無忤好獎掖士子族
有貧甚者宥置別業以券畀之既卒家無餘財官賜
錢十萬

金

劉琬字伯玉幼名大平以功臣子補閣門祗 海陵
室琬坐與往來斥居鄉里世宗 位

馳上謁世宗大悅呼其小字而謂之曰太平至度幾
贊朕致太平矣累遷左宣徽使以疾求補外除定海
軍節度使卒於官

劉璣字仲璋琬之弟舉進士爲國子祭酒太常少卿
嘗同知漕運言省費事又嘗爲戶部員外郎條上便
宜數事世宗嘉納之累官太常卿

李英字子賢以進士調淳化主簿泰安中遷監察御
史元帥術虎高琪辟爲經歷官乃上書於琪請據居
庸琪奏英書卽除尚書召遷翰林待制因獻十策又

益都縣志

卷之七

七

召爲御史中丞上言欲激濁揚清宣宗俱嘉納之

元

傅公讓字子敬元統初進士累官亞中大夫內臺御
史至二十年宦者朴不花 雖內恃太子外結朮思
監驕恣不法公讓劾之忤太子意左遷松江府知府
李傑字國才至元二年召爲吏部尚書設選法立
黃行止等二十四科卒贈嘉議大夫上卿車騎都
隴西候謚宣靖

明

王讓字宗禮有孝行嘗廬墓致湧泉之應洪武丙子鄉薦授國子監學錄累官吏部侍郎忠亮清介士林重之

張俊洪武丁丑進士河南汲縣知縣革吏胥奸弊民有怠於農事者躬督之賦役親驗版籍務得均平暇則綜理學校以勵生徒去任邑人思之

徐弼字良輔稟姓毅直恒赴人急遊太學授戶部主事員外郎北叅大藩持守勤介奉敕除閩叛賊勲績偉燁召還引年詔致仕壽九十有四當南北戒嚴公

挺然無難色事竣得譽公寂然無驕容處世立身綽綽如此

劉福字慶之叅政淳子正統丙辰進士授戶科給事中
正統間上疏言英廟駕回當復位不合時論外補山西叅議陞山西叅政以疾致仕持正廉介歷任三十餘年家無餘資人咸重之

劉彧字著章正統己未進士授工部主事歷郎中陞彰德知府持身正大約己愛民鄴人至今思之居鄉恂恂不見喜愠之色學問醇實不尚浮華人以君子

稱之

曹凱字宗元正統乙丑進士授給事中彈劾不避權勢聞英廟北狩率言官於闕門執嬖倖錦衣指揮王山等踢殺之

陳清字廉夫號松軒教諭俊子天順甲申進士授戶部主事歷員外郎中擢山西左叅政撫治鄖陽都御史戶部侍郎陳言三十四事清理馬房冗費一十八萬以南工部尚書致仕孫策以蔭當補官時冢宰清同年友也親友請爲策致書公正色拒之其剛介如同

此

李旻字同人號雲山成化甲午領鄉薦授同州守改潞州明敏廉潔疾篤乞休瀕行潘王世子遣人持重賂來餽謝曰數年常例不啻萬金旻皆不受此何爲哉聞者嘆羨

冀九臯字子誠成化癸卯舉人授延安通判督餉榆林御下寬簡軍民便之忤劉瑾同巡撫王都御史逮繫錦衣衛獄後釋歸暮年瓶無儲粟深冬積雪第聞絃誦聲平生不問有無故仕益貧年八十七卒

冀九齡字子仁知縣琮子成化丙午舉人授陝西華陰知縣民以訟至庭斷已則問衆甲居常孝悌否衆曰稍孝悌雖應朴必免笞又問乙知孝悌否衆不應不應朴必笞之因訟以寓教婦女不繫擇貧民之無業者授之荒田催徵有序免逋負之多年者興革視閭閻之便道路橋梁館舍必飭倉庾豐整城沼濬固公庭靜寂侍隸如塑偶郭門外有濟貧所市無乞者二門外有賓賓館二吏拱俟賓入誠以待虛以聽之不逆不億出令不二門城更鼓之音一城内外上

下之柝音視更數境以内無巫覡男女別途道不拾遺山無盜賊春秋除鄉飲外時具酒饌會高年於庭身與揖讓問閭閻疾苦朔望入庠序集諸士勵以廉孝暮年民大化年五十卒於官黎庶巷哭如喪考妣或疑公仁而不位端恪公曰一邑治卽一邑爲唐虞一郡治卽一郡爲三代柰何以位病公哉

石存禮字敬夫號來山通判銘子弘治庚戌進士授行人陞南京戶部員外郎中出知紹興在郡幾四年刮剔民隱吏殆盡無何忤常道尋罷年尚未強仕

也存禮淳厚沉靜而剛方不詭故所至以嚴見憚人多忌之家居三十餘年惟課子耕讀爲務非公事未嘗一接顯貴性不樂置生產每念以清白遺子孫斤斤然有古人之風人呼爲萬石君家云

高昱字孟昌號海隱青州左衛人家世襲武公以儒顯幼事親承順顏色出入必告良辰佳節奉親雲泉翁遊眺家徒四壁怡然自樂弘治甲子領鄉薦郡守宋公鑑見居室敝陋欲爲葺理公力辭曰不敢以此鄉人嘉靖甲申選兵部司務調吏部司務歷武選

員外車駕郎中居官清約不可于以私卒之日大司馬張公率僚佐臨喪悼之各捐俸具棺襯歸葬家益窘幾不能存叅政楊公維聰置田以育遺孤其生平狷介不苟槩可見云子鴻翀舉人孫維崧曾孫有望俱歲貢生

馮裕字伯順號閭山先世戍遼東生於廣寧少孤貧刻苦讀書聞義州賀醫閭先生倡明理學往師事之輒克然有得歸而事身心之學

語

以資見 精心

名動一時時瑾 禍邑人張文冕任近 爲
瑾腹心以家託之 至邑一無所私庇冕怒愬于瑾
將逮繫之裕知禍在旦夕畧不爲動已而逆黨伏誅
升知州所至多惠政民懷去後之思遷戶部郎出納
一任法制數忤權貴權貴密遣人偵伺闕失踰歲無
所得乃益重之歎服再拜而去出守貴州遷按察司
副使後先七年屢建平蠻功有百餘年仇殺者先是
廷議數遣重臣按治不服裕單車往諭之一言而解

南裔賴之以安後解官歸青州不治生產僦居十餘
年力不能酬其直囊無遺鏹瓶無儲粟弗問也性重
厚剛介人不敢干以私晚年端坐陋室手不釋卷與
諸同志結社賦咏不忘忠愛之念切憇之學嘗爲醫
閻先生集序疾亟猶更定字義命筆是正俄而正冠
歛衽而卒歷官所至著冰蘖聲旣歸田尤凜凜自守
非義一毫不染子四惟健惟重惟敏惟訥俱登科人
以爲清節之報云

黃卿字時庸號海亭正德戊辰進士歷知武進涉縣

遷守應州所至皆以能稱陞南京刑部郎擢守太原
修廢決滯五閱月而郡大理汾河決城將墊具詞祭
告水徙三里民神之陞浙江右叅政調陝西再遷江
西晉左布政庚子入覲中道卒平生嗜學老而彌篤
雖隆冬盛暑不廢覽閱有海岱會稿編苕諸集藏於
家

楊應奎字文煥號澗谷天性孝友厚重朗豁正德辛
未進士授仁和尹徵拜兵部主事轉禮部員外迎世
宗於陽陰進儀注賜御膳擢守臨洮刻祖訓以勵俗

甘肅驛站久疲奎極力調處民皆復業引洮水灌田
轉磴民利之有去思碑及調南陽值歲荒設法賑濟
活數萬人又正陂堰以灌民田郡民感德爲立生祠
祀之而兩郡乘悉奎編纂後世賴以考觀平生博覽
群籍精工右軍書法其高致雅行每以希文自期罷
歸居鄉日與縉紳結洋溪吟社容與林泉有海岱吟
稿并澗谷文集藏於家長子銘字子新號浴齋以歲
薦爲太學生任襄垣訓導受業中書郭公諶傳其筆
訣病卒於

詩有

劍四海飄零吾道難之句所著韞線集羣英吐華若
于卷仲子金字子聲號少谷以明經授任丘縣佐下
車卽恤紀公后裔築趙布堤躬倡鄉兵捕文盛等寇
利通鹽錯篆署興濟其他善政難以悉舉邑人感之
入祀名宦遷睢陽衛叅軍以廉能稱陞兩淮運判東
南財賦半天下運司爲之敷金勵清操分司石港塲
修堤防海收瘠議賑仁澤淪洽視任丘不啻倍也屬
解餉赴部有奸商以兩錫鏹雜橐中欲以中傷公摘
發若神後轉周府審理遂引退淮人戴德爲建去思

益都縣志

卷之七

十四

碑銘子汝卜以明經歷任長山教諭剛方正直動履
不苟金子振奇爲諸生居鄉長厚輕財好施咸能世
其家學

陳經字伯常號東渚正德甲戌進士授兵科給事中
讜直敢言武皇末年劾奏寧彬餘黨辭涉當路上覽
䟽顧左右曰此髯給事中也經多鬚故云世廟登極
擢通政司叅議歷通政使遷戶部尚書改禮部尋
兵部太子少保乞骸馳驛歸後起戶部命下數日而
經訃聞上爲之輟朝諭葬祭如例經性方介立朝

三十年門鮮干謁卒之日囊無私遺有古人風詩文草書逼真唐晉世多珍之

李和字雍熙修髯懸準風儀甚偉由吏員授兩浙鹽運司知事歷任按察司僉事居官三十餘年操守嚴慎法律精熟人以李青天呼之嘉靖改元卒於官妻子扶柩還鄉貧無居室至不能葬鄉人憐之

朱潤字伯雨登嘉靖丙戌進士除知巢縣有聲歷官南京戶科給事中彈劾不避權貴仕至松江府知府左遷寧波府同知卒於官性簡靖不阿自家居逮宦

謫人不見有喜怒之色沉毅多雅量善舉業文學所著毛詩四書通解凡若干卷卒年四十有六門人從遊者多致顯貴云

董汝瀚字子滙號西嶼登嘉靖甲午鄉科遊大學師事涇野呂先生大器之後除南直建平知縣歲不登瀚節縮寬恤民賴以生築石堤得水田萬三千餘畝民名其圩曰董公圩陞太僕寺丞奉命市馬遼東宿弊盡洗轉戶部員外晉正即兼攝江西川貴諸司事事益辦久之乞歸以疾卒於家所著有西嶼 郎川

小稿西都宦遊 行於世後以孫可威贈工部尚書
鄭光溥字伯公號一山嘉靖年選貢中北京丁酉解
元戊戌進士除行人司行人擢御史累陞山西提學
僉事溥才瞻學博兼通五經西士質朴可與人道溥
以經學啟迪之先行誼而後詞華彬彬向風文體一
變歷任四川叅政隨所敷歷聲績著焉

李用和字元樂號陽坡嘉靖戊戌進士授大理司評
事陞右寺副通悟聲律究心字學西曹法家精律者
首推和故事重囚再題奏辦仍從原擬和以重瀆聖

聽疏止之得詔報可編入會典擢河南衛輝知府不
抑強暴自攝不剔蠹姦自弭移文叢委立爲部析刑
明肅治聲更起適有大璫綱運租銀道過衛盜掠其
銀千餘去和時已奔封寺副喪矣上怒逮和至則奪
職歸遂杜門娛情篇籍種植花藥以終其身焉

李用敬字仲學號雲坡用和弟嘉靖辛丑進士授山
西壺關知縣召入爲給事中大將鸞恃恩驕縱敬疏
劾之直聲震朝宁倭大掠江南勢張甚以張尚書經
督政之高客趙文華請媾倭欲 駁之

曰以小醜躡上國罪無赦鬼神道遠奈何棄武事信
渺茫乎無何文華劾經持重兵觀望詔檻車徵詣廷
尉敬上疏救理上大怒疑沮文華爲經游說遂廷杖
落職穆宗起言事敬復補用轉右通政光祿寺鄉以
母喪歸遂絕意仕進詩文自娛古今典制稗官諧史
僻事秩書無不暗識臺司守牧仰慕就席但談古
衣無重采食無一粥一蔬卧中一榻几上陳書數帙
而已八袞後又能書蠅頭大字問一養生術第曰動
則損佳兵不祥却走馬以糞天下治矣年九十而終

天子賜營葬遣官諭祭焉曾孫友棠舉於鄉
冷起元字繼貞嘉靖辛丑進士授內黃令簡靜嚴毅
民不敢欺期年報政上官當道者器之曰此非百里
才也遷太僕寺丞數月以病免家居十餘年杜門謝
客口不談世務非公事司府不一謁也性恬澹不喜
紛華衣冠服用無異寒素鄉人重之
李尹耕字莘甫號任齋別號洞岕嘉靖癸卯舉人謁
選授河南確山令邑疲而衝且值饑饉有巨寇師尚
詔作亂株連頗衆人心搖惑耕設法擒捕分別曉諭

卽時克定奉文丈地均糧抑豪強杜私派飛詭兼并
逾日而清上臺嘉其能撰文立石下其法於諸邑丁
父憂去任士民遮道板留服闋補任安陽邑衝繁十
倍確山明趙宗枝繁衍多恃勢侵民當事者以南陽
難問每尚姑息耕請以銀易祿米省倍收之耗非禮
所請纖芥不徇民以安堵墾荒爲諸道最歲旱禱雨
輒應任滿陞漢中郡丞茶馬侍御委於河中市易公
調停威惠諸番悅服又承委監織進貢絳袍貿絲染
綵悉禁侵漁歲省濫費無算後公謝政家居執友張

雲鵬作廣文積有俸貲以公長者密緘寄公家人皆
不與聞歲餘友暴病卒公卽日臨弔并持手書寄帑
面付諸子里人皆高其義所著有忘言代奕等集藏
於家

冀鍊字純夫號康川九經于生而岐嶷向學專篤其
學以誠爲主以敬爲宗舉止語默皆有成法毅然以
聖賢爲必可師以天下國家爲己任曰不如是虛過
一生矣登嘉靖甲辰進士選長安令專以孝弟訓民
省刑簡訟民化從之嘗曰一家而化卽一家爲商

而化 一邑爲唐虞真名言也陞戶部主事督
餉以餘塩易糧糧益足累遷都御史撫河南調上
谷歷兵部侍郎以勞瘁乞骸骨歸杜門謝客終日焚
香靜坐或勸之聚徒謹學曰學顧力行何如不在多
言也勸之著書曰後世著述猥多正宜祖龍一火柰
何復益之乎嘗曰人心有一息之怠便與天地之化
不相似又曰人心淡然虛止不容一物而無不容又
曰立志湏剛剛乃能伸萬物之上鍊嚴肅自持言笑
不苟及接後生晚進孜孜引誘盎然坐春風中忘其

爲尊宿也生平以三事自持不爲矯矯之行而苦節
聞於海內居家不問有無卒之日無以供喪其子孫
鬻產以辦事聞賜祭葬贈工部尚書謚端恪
后茂華字居采號毅菴存禮孫嘉靖甲辰進士授濬
縣知縣築堤捍水民賴以安陞戶部主事歷員外郎
中擢楊州府知府會倭寇踰淮簡士兵城守趙文華
舉命視師以楊爲奇貨至卽以迎敵嘗之華曰守臣
不出境苟事急亦惟公馬首是從文華意沮遷副
政按察使 月拜巡撫甘肅卒伍以餉給不時

其一軍 服召入爲兵部侍郎進都察院
史總督三邊軍務詔賜白金文綺以寵之晉
部尚書擢掌南京都察院事請致仕歸後數年秦
大歉復起徃督之日夜露禱爲民請雨條上救荒
事 以賑活萬計至秦八月內撫百姓外治兵食積
勞卒前數日有大星殞西方人以爲先兆天子悼痛
之詔賜祭二壇遣官營葬贈太子少保謚恭襄子恂
石阡知府愔平樂知府

鍾秀號熙菴沉潛嗜學深入理奧教士人多成名者

嘉靖丙午領鄉薦爲廣宗令專清淨爲治訟者諭以
理遣之六曹無事日垂簾繙書進諸生與談經義俸
入以葺學宮賑貧士故至今士民皆思之人稱其冲
無得而名比之漢林慮長云以孫羽正贈太
廣宗生祠碑碣今在縣治

章字一奎孝友廉靜精易學領嘉靖己酉鄉薦
官廣南府知府貧不拓產守恬課子嘗爲座
不詭隨以求合不貪昧以忍辱之語其方介

嘉靖

令勵節清苦教民以禮讓人不忍欺陞大理寺事
乞休家居杜門不出日誦書史人有以私干者拒而
不見被服寒素猶然一貧士也後延津人李戴巡撫
山東悉燹人品治行移文覈實崇祀鄉賢

周滋字伯霖號海莊青州左衛人登嘉靖癸丑進士
授行人選雲南道監察御史督鹺河東奏課倍於常
格以彈劾冢宰私人觸忌出知徽州府豪貴侵奪學
宮地立實之法遂解官歸爲人端慤沉毅有雅量事

母朝夕拱候白首不衰家居十餘年蒔花蔬課子姪
口不言宦時事比卒門人私謚曰貞孝先生

石繼節字子立號溇源亞元琚子嘉靖乙卯舉人授
夏縣教諭以行誼勅勵諸生部使者檄督河東書院
群三晉才士師之陞知壽陽縣縣舊荒旱民多流遷
公曲意招撫民咸歸業擢知易州壽陽民立祠俎豆
之易州左右輔有騎士屯又多中貴人家悉以法繩
之豪強爲之斂手先時田無頃畝以區段起科吏
爲奸藪乃度其田履畝稅之郡城有所徵發多

額外求力陳其苦民不便至欲 劾去民力因而稍
蘇擢汝寧府同知民扳留亦如去壽陽時至汝寧卽
病因求罷歸以疾卒於家子岩萬曆丙戌進士棗強
知縣

石繼芳字克肖號岱宇繼節弟嘉靖乙卯舉人筮仕
倚氏學博擢桐城知縣居二年會建青蒲都御史計
江以南無如其才請移令令之芳計事鳩工凡公署
學宮市肆城郭不愆於度爲東南樹一巖邑桐十年
大造例有稅器千餘金不過以十一解邊餘入縣官

益都縣志

卷之七

二十二

私橐悉爲申報劉簿爲上官所督解釋得免夜投百
金案上爲謝密還之而不發其竣潔忠厚如此桐民
肖像祀公碑顏以陳父石母陳者先令有德於桐者
也青政成人祀名宦陞錦衣衛經歷由戶部郎陞延
安知府寧夏副使哮拜有叛萌裁之以法請增牙兵
備之事未集而難作遂以身殉焉

楊錦字尚綱號月川嘉靖丙辰進士授汝州知州歲
稔請賑全活萬人陞戶部員外郎百姓攀留不得

蘇 兵 歷邊 大著威名

巡撫前後軍功欽賞銀幣七次及 外艱遂甘
泉奉慈訓子時三十餘歲耳性好讀書自宦遊以
家居皆有著述積篇帙甚富丈夫子大人諱邦憲
丁未進士官至都御史

張憲翔字肖雛青州左衛人戊午舉於鄉授五河知
縣陞戶部主事時漕河淤塞議從海運無不以昌
爲難朝廷遴翔才望改雲南道御史徃攝其事翔被
簡殫心宣力常微服駕小艇潛雜運道間稽察漕弊
暗籍而咸繩之時駭爲神明督漕運者二年勅嘉其
能有實心任事之褒按順天按關中彈劾不避權貴
呼爲鐵面御史云卒於官

劉一孚字貞甫號海山嘉靖己未進士兩爲縣令尚
廉平不務搏擊以要名譽百姓愛而尸祝之歷遷四
川叅議西南峒蠻因事讐殺侵內地議舉兵誅之孚
以峒蠻爭自其天性故當以戎索縻之不必 大兵
當事不聽戰失利人皆服其先見旣遷江西憲副有
言川中事爲前人分過者遂拂衣歸居家孝友醇誠
遇兩弟友愛備至安遇食貧忘機自得人以爲有

其速相繼舉於鄉

存正少有至性篤嗜書史嘉靖辛酉舉於鄉任州府推官以寬平爲政全活甚多會苗酋倡亂累月不下正奉委督餉就便單騎入寇壘力陳恩待以不死諸苗羅拜感泣服罪兩臺奏聞欽賜金帛表尋擢太原丞未幾堅意乞休居家二十年有司不一刺令尹楊公植介士也素不阿鄉貴陞任謁正西郊再拜曰貴邑鄉紳高尚未嘗一字相託康川冀公與公耳性質直寡欲少營不蓄姬妾去官舍如脫屣

益都縣志

卷之七

一二十四

真醇儒之清修者

王基字啟亨號對滄嘉靖乙丑進士授戶部主事員外郎中時相欲羅爲私人基持正不阿因左佐尋擢大同知府有代宗大獄經數守不能決至時而輸情服罪吏驚爲神數歷藩臬所至多大同巡撫數年間邊鎮帖服數蒙歛賞入爲侍郎遷左引疾退再起南京刑部侍郎陞總督倉場司馬司空缺基一人嘗辦三尚以爲重以疾乞骸歸卒於家贈太子

例

張煥字 文 懷 生而 凝敏悟

戊午領省闈第一乙丑舉進士由山西長治

京戶科給事中時新鄭江陵互相排各受意使 異

已煥獨中立不阿虞坡楊公噐重煥擢卿尚寶尋掌

鴻臚拜南贛巡撫在任八月以憂歸抵家與縉紳先

生結詩社有虛白堂詩草藏於家子彥貞庠生彥芳

武進士歷陞正總兵

蘇庭中隆慶丁卯鄉試性端慎言不出口令栢鄉中

益都縣志

卷之七

一二十五

官鮮貢至見其朴實夜穴墻稱失貢物邑人恐失賢

令共歛銀千兩償之調吳堡益清 自持罷任行李

蕭然士民爲下泣卒後子孫不能自存

崔宜春體貌高 望之顛然言動有則中隆慶丁卯

鄉試令永寧縣數值灾旱賦不完上官嚴督之春愀

然曰民困極矣急之逃且死耳竟不催督免歸守故

廬寒素終其身所爲拙於催科拙於仕宦者此其人

乎

式字憲甫號吉源隆慶戊辰進士除行人司行

人使蜀使楚咸著 節授雲南道御史視鹺兩浙
畫鹽政六卷吏胥豪強無不懾服以忤權貴出爲山
西僉事立朋椿議俾騎兵不因於養馬人人頌其恩
威轉河南叅議陞四川副使谿蠻相讐殺軍門欲動
兵征之式曰谿蠻好攻聞以天威諭之止煩一檄
若軍興勞費勝之不武徒 勞擾議行蠻果畏服陞
陝西叅政晉按察使持正執法左遷河南叅政遂拂
衣歸里絕意竿牘日以課農桑訓子姓爲事暇則集
親故兄弟怡然相樂也堅卧二十餘年以子可壯考

益都縣志

卷之七

二十六

績進階中大夫年八十五卒

宋伯華字汝 號鑑絃司務延年子隆慶戊辰進士
授宿遷令縣大水民坐樹杪以待命華急出贖綏薪
俸駕小舟漂泊風浪中 民所止分給而慰勞之尋
請於上發倉蠲租民忘其災後由兵部郎陞淮安知
府政持大體以仁厚得百姓心時吏道深刻華獨用
寬大爲理故與上官意多齟齬坐以秉傳入覲奪識
者數年事白起開封知府卒于官汴民哭之爲之

公爲人寬厚簡重家人未嘗見其 怒巴

郡家無所積衣無重采食無兼味居鄉未嘗尺書
有司齊魯間語質行者輒以華父子爲稱首云

党馨字季芳號蘭窓隆慶戊辰進士襄垣令遷徽州
二守嘗有兄弟爭產者傍引人命相訐馨徐責之曰
據爾訟法在不赦其忍以身外長物自斷手足耶因
引咎思過訟者感愧泣血誓相友睦陞延安知府遇
歲熟斗粟十錢公出庫萬金易粟貯之踰年大旱賑
以所貯民忘其災繼以陝西副使備固原兵軍士戴
之如慈父母每一遷轉輒保晉之故晉秩至右轄而

居固原者數年以邊功陞寧夏巡撫時哮氏異謀已
久公至嘆曰此輩如養虎不早治患將益深乃急捕
其腹心數人以解其羽翼會餉至稍遲哮乃詐惑軍
心倡之爲亂變之日以兵挾馨馨噴目叱曰賊顧不
畏天誅耶罵不絕口而死所著有四書會成歷代紀
年纂三邊四鎮誌

馮子履字禮甫號仰芹幼孤母節婦蔣氏訓育之弱
冠能文下筆數千言立就登隆慶戊辰進士選固安
令邑多盜履揀良家子爲牙兵習騎射盜發輒捕得

之道路清肅陞兵部主事累遷易州兵備副使民有聚衆誦經者徼兵詐不遂以叛告有司遽請兩臺兵勦之履笑曰何至是止煩一檄耳乃出示散其衆呼爲首者答遣之其從容談笑銷弭大變類如此以子琦爲宗伯公畏盛滿致政還封禮部侍郎侍讀學士卒

邢玠字搢伯號崑田隆慶辛未進士初知密雲縣以卓異徵授御史按甘肅歷藩臬多著武功陞大同巡撫進南京兵部侍郎屬楊應龍橫播州遣威望大臣

勦之廷推公往擬應龍辟罰贖金四萬兩晉質子割五司獻作惡首從七十餘人正法設兵將於松坎湄潭龍泉扼其項背縮束之倭犯朝鮮上命玠以兵部尚書往視師玠力詘和主戰有稷山青山之捷倭遁遂奠王京且屯且戰方有異議上知玠深益委任之大發金錢賜赤劔玠標劔登壇授計陳璘殲石曼子擒平秀吉等前後斬首五千級清正行長僅一身免鑄銅柱紀功釜山捷奏召還總督薊遼恩寵優渥陞南兵部尚書

不山 七十二卒贈太保

慎言丁未進士官大叅

朱鴻謨字文甫號鑑塘隆慶辛未進士選吉安府推官風格方峭吉多要人一切謝絕不與交顧時時與諸生談經義所陶冶皆成名士行取南臺會輔臣居正父死不喪杖諸言者或至戍遣且下嚴旨有敢掾者重治之公見邸報泣曰天平人理盡矣何用生爲卽上疏掾嚴旨勒謨歸歸乃杜門吟誦不問時事使者千旌至門終不得以望顏色久之起故官按江西持大體振風教歲稔請蠲逋減作民尸祝之累遷都

御史撫應天清田稽詭治豪滑占匿者人以媿海忠介陞刑部右侍郎以疲卒贈尚書謚恭恪謨自爲諸生督學鄒公善授良知之旨而心儀冀端恪公學秉勿欺自大廷及屋漏無情容自公卿及卒隸無飾詞尊濂洛關閩矩矱自謂不動心之學養之已久自反而縮仁者有之論內聖外王以中庸爲一貫好惡不偏意見不著竊有志焉有所利而爲有所畏而不爲終身無事也蓋其所得深矣

王君榮字國慶號會泉兩中鄉試性警悟多藝能自

卜筮星命醫藥相宅諸書無不精解先

河間從經畧宋公征倭爲大軍給芻糧費累巨萬及還鈎勘豪秒不爽陞鞏昌同知監市事還賜金綺陞四品俸以同事忌嫉改判河間歸年七十卒論者以公材辦機神絕倫超竒屢試屢效而謗忌隨之此勞人志士所爲扼腕而拊膺也孫建樞進士知縣

馮琦字用韞號琢菴自幼聰穎絕人嗜學敦行以古人自期萬曆丁丑進士選庶吉士授翰林編修累晉吏部侍郎佐尚書李公戴清選法公計典吏治一清

三主文衡得人爲盛陞禮部尚書贊冊立大典迫期經費不給公與內閣議曰今日禮爲重勿計財時琦從弟戶部郎瑗解遼東餉四萬金已出都矣急追還而冊立乃成踰月舉大冠禮明年大婚皆公手注禮制遂成勞瘝踰年卒前一日上疏皆天下大事也賜祭葬贈太子少保謚文敏

王恒豫號友鶴幼而嗜學試輒居首中萬曆己卯鄉試爲青縣尹以疲民當孔道不肯飾厨傳失上官心

清源簡靜儉 與民休 病免無 中

歸

蔣春芳字實伯號元軒萬曆庚辰進士選揚州府推官清介明決有弟殺兄嫂而一盜告累十餘年不能斷公一訊得情人號神君丁憂補大同行取河南道御史巡歷所至綽有風采擢尚寶司卿卒

鍾羽正字淑源號龍淵生而警拔凝然卓立十歲能屬文日誦千言弱冠游郡庠每試輒冠多士萬曆丙子舉鄉試第二人冀端恪公爲理學名臣一見深器之授以濂洛心傳盡得其旨庚辰捷南宮授滑縣令

益都縣志

卷之七

三十一

邑素稱繁劇公至吏民見其年富易之公取諸積案斷決如流三日而畢遠近神之滑糧故多積逋令花戶自投不加絲耗又革附餘大戶及里老口糧省民濫費無筭魏南有水陂歲沒田六百餘頃而賦如故逋者逃亡幾盡公逐一躬勸請於上捐十之七百年之累頓除時江陵柄國以增地爲功滑丈出地百餘頃不以邀賞而盡補荒逃之額滑素健訟公始至羈獄常百餘人公悉爲清理沉寃頓空兩河有疑獄牽累甚衆十年不決請於 指曰得滑令鍾君一訊吾

矣直指以隔屬難之 房大叅致意公鞫諸境
觀者如堵談笑摘發罪三人衆皆帖服奏績爲天
卓異循良第一擢禮坦百姓扳晉遮道遠近皆建
生祠備載王冢宰祁司馬碣序中時京闈詐冒盛行
公首糾冒籍著爲令甲巡視京營條例武備八款皆
經國石畫陞工科左閱視上谷有貲郎隱屯糧侵軍
餉憚公直聲托所知餽公公廉得其狀立置重典覈
撫賞冒費歲省萬金清丈屯田增二千餘頃歷陞都
諫彈劾中官及部寺之不法者是歲大計禁外吏不

得與京官通大班糾儀後卽日出城擅晉者罪皆永
著爲令時光廟儲位未定公與六垣公疏上請情詞
激切忤旨禮垣李君降職公奮然耻從輕貸復具乞
恩同罰一疏神宗震怒閤門傳杖禍且不測公言笑
自若近午始得旨削籍免杖卽日野服策蹇就道海
內稱四大賢人公其首也家居益潛心理學博覽墳
典郡中名士負笈門墻登甲第躋尊顯者先後不絕
母太淑人病三年侍養無間朝夕及居兩尊人喪哀
於 性乙卯郡大饑公傾資賑濟不足則鬻一

莊一宅所活男婦千五百餘口使者核實具奏欽賜門榜曰代天育物又於駝山下仿古義田置一莊以贍宗族之貧者其他周急扶困諸盛德事不能悉載萬曆四十三年吏部尚書鄭特疏薦舉奉旨建言廢棄諸臣事關國本抗言得罪禁錮終身如鍾羽正等作速起用丙辰起陞光祿寺少卿未赴庚申奉遺詔陞太僕寺少卿天啓壬戌赴京旋陞太僕正卿查出節年借庫銀二十萬五千兩又兌出附餘銀一萬九千兩悉進助陵工罔寺數百年積弊爲之一清轉都

察院僉憲劾輔臣以進藥議謚封后移宮等事諸權貴啣切側目公不爲意法司大獄从不決者公一言立剖暇則與鄒元標馮從吾諸理學名臣發明聖訓建講學書院羽翼道統誘掖後進轉戶部右侍郎總督倉場立摯籤入厥之法吏胥無所苛索官丁便之陞大司空值陵工用度不給公百計節省查出奸商侵冒銀不下數萬時六月炎暑舊例內臣冬衣六年一辦合用銀八萬餘兩公以陵工事大冬衣用緩議

給半支群奄聚衆大噪公 具 爲大 國

求解任歸後璫禍大起楊漣劾魏忠賢

罪中有云鍾羽正清修如鶴逐之使去其一罪也崇禎戊辰璫敗起廢清流猶首列公丁丑冬公偶爾違和家人聚候執筆談笑而終年八十三生平方嚴清介而未嘗失色于鄉黨自諸生至登八座未嘗與一人構讐涉訟自奉淡泊身服布素常食不過二噐居恒手不釋卷藏書百篋丹黃殆徧卒時青人奔走號泣焚香禱祀者不可勝計所著有厚德錄管見錄掖垣疏稿崇雅堂集及郡志諸書

益都縣志

卷之七

三十四

曹璜字于渭號礎石萬曆丙戌進士由司農郎推西安守入秦卽檄諸牧長九太守及州縣贖緩俱納穀備賑日民之膏血還歸于民官何賴焉先後議織造三十三事開鑛九事及宗譜河渠刑罰徵收硝鉄行戶諸議秦人至今賴之巡行阡陌一僕一馬人不知其爲守也去之日積穀一萬計桑棗之蔭遍野兩入覲不持一物餽諸貴人擢湖廣提學副使有言黃土悍不可治者公先校黃黃土受約束惟謹聞封公病歔歔泣下曰安有父病而子之楚遊者乎卽乞歸

辭起光祿少卿辭不獲改

明年春奉使還里遂請休再遷左

叅議 几五乞骸矣會里中大饑人相食公草奏

歷寫流亡餓殍困苦狀凡五千言繪其圖欲上而病

不果病革敕家人棺斂喪事當從儉朴勿受弔賻曰

始時如何來今復如何去遂逝公生平伉爽有烈氣

當其執義之是雖百折無以易之凡與人無匿情無

匿語幼時好談道義名節晚乃少鏟其銳角一歸簡

易宦遊南北間篋中不藏一物居常嘿坐一室讀竺

曇古先生書別有悟入侍兩尊人和媚柔婉笑語狎

至與二弟璉珍剖析至義婉言深言漏三四下未已

也天性友愛又如此

李時輝字 號惟青顏神鎮人萬曆己丑進士選

西安府推官任真執法法當卽上官郡邑吏所共出

必入之法不當卽上官郡邑吏所共入必出之郡邑

吏賢卽上官所甚憎全護之不賢卽上官所甚愛摘

去之以此得剛正譽亦多忌媚者然公廉無能毀之

公仕不攜家獨一笥每出行部則寄 長舍中門不

下鍵而行其清如此

劉有源字太清萬曆辛卯舉人授河南密縣令邑大
侵請發倉粟數百石賑饑大猾田某持有司短長暴
橫鄉曲公立置於法陞廣平同知署鷄澤邯鄲曲周
印務清慎著聲告歸贍養三族閭黨熙然化焉

董可威字嚴甫號葆元郎中汝瀚孫萬曆乙未進士
授河南衛輝推官折獄平允一時墨吏猾胥望風遁
去晉南吏部考功主事辛亥主計典擿黜允當輿情
中外稱善晉光祿少卿順天府丞兩推巡撫宣大皆

益都縣志

卷之七

二十六

以母老乞休未赴丁艱服闋補工部侍郎聲望益著
晉工部尚書繕修大工皇極三大殿告成力辭恩蔭
時值國事周章乃控辭力請旋里公生平坦平和易
不事鋒鋌一時稱爲長者詩文宏博典麗一歸大雅
年七十二卒

馮殉字季韞號璞庵益都縣籍臨朐人曾王父閭山
公以正德戊辰進士起家憲副五丈夫子甲第聯輝
子光祿公公之王父也爰及封翁世有厚德公

方 重言動以古賢自勵兄 伯文敏

公特器重之每試輒冠多士屢赴省試

鄉貢入成均辛丑文敏公主會試錄出吳宗伯謂外殊辭語侵文敏公公憤甚將草疏力白其事吳宗伯旋以悞自悔乃止謁選授秦長武令邑瘠而衝前後令多束手公才兼四應百廢俱興邑久不雨公齋沐虔禱停刑恤獄修諸實政膏雨立沛調煩咸陽百姓遮留載道咸陽故西京巖邑豪族橫宗宄法爲民害吏不敢問公執法如山弱肉強食無所姑息咸民方倚爲二天遽遭太夫人之喪囊篋蕭然至不能具

歸裝郡伯及諸僚屬捐貲助之乃抵里門郡大饑公躬自節省備衣服饘粥全活甚衆又多施棺槨掩骼埋骼里中語厚德善行咸首推公三十年如一日也服闋補交河邑爲畿南最劇舟車水陸送往事居飛檄旁午公揮霍力辦不廢嘯歌陞興安州原稱直隸而前牧皆以屬禮事郡守公具文以請諸臺便是其議革百年陋習上交下交胥得其正時州轄六邑多缺令署篆者憚其疲瘠以爲畏途公以州治兼揖揮有餘刃政成奏績授奉直大夫膺封誥陞漢中郡丞

監修瑞籓府第群小培苦商民助中貴人爲虐公剔
蠹節費心計出入旁邑盡塞一意恤民遂大忤中貴
人意蹙齶使中傷公廉正無從索瘢止以傲骨爲辭
公遂拂袖東歸日以先型古道訓率子弟敦勉後進
撫三族以恩孀嫠孤寒無令失所里中親黨或有睨
眦雀角得公片言立解家法肅穆內外長幼奉訓凜
然詩文鴻碩典麗著述甚富享年七旬有八以孫大
學士貴贈資政大夫刑部尚書

馮瑗字德韞號栗菴少從叔父貞靜先生學爲文超

然穎脫萬曆甲午舉於鄉乙未成進士授湖廣茶陵
知州地多盜公密計擒其渠魁餘解散調山西澤州
澤號望州而山多地陬歲久不雨民有饑色公多方
調劑之得免流散又多悍宗挾勢害民公以法裁之
諸宗斂手遷戶部貴州司員外出監兌兩浙漕運糧
獨先完還京疏陳商民疾苦司農趙公世卿深器之
晉雲南司郎中督京糧盡剔夙弊以母病請告就家
升晉中叅政丁內外艱服闋補湖南臨行辭部冢宰
鄭公詫曰此君巖巖可當要地遂調開原多卓績

病歸里居十餘年以文史自樂卧起與俱絕工不言仕宦一時高之子士 負才名以恩拔入太學

趙秉忠字季卿號嶼陽少穎異諸生時試常冠郡庠萬曆丁酉舉於鄉戊戌廷對第一人授修撰甲辰分闈得大學士高陽孫公 宗晉庶子壬子典試江南所取士如張瑋姚希孟之介直周順昌之忠節皆爲一代名臣得人之盛從來所罕有也充經筵日講官啓沃甚多疏請加建文皇帝廟號累官至詹事府晉禮部尚書忤魏璫與劉公鍾英同削奪歸里公丰儀

益都縣志

卷之七

二十九

秀偉論議剴切敷講闕廷多見嘉賞歿後魏璫敗贈太子太保賜祭葬所著有嶼山集

劉其遠字惟道號太噩四川副使一孚子少有文才喜讀書性甘淡泊事親誠謹孝德著聞萬曆庚子舉賢書尋諭聊城時白生宗殷受誣論死公力出之以文望擢辟雍多士式型焉旋陞同州知州楊少哇等冤獄二十起盡爲開釋雷敖聚丁壯掠千里躬諭以順逆利害輒解散擒其首而置於法民賴以安轉西安錢法同知歲得餘息數千金私持以進公正色叱

之去充作正項一介不苟選司富平周公知其
特疏薦取內轉刑部郎中 獄詳緩必得其 無
失出入西曹以明決稱卒於官貧不能具棺 曹司
農高銓部助成之公素凝重方直不輕言笑不畏權
勢生無一字千公門歿無餘財藏私篋鄉人咸服其
清正云

曹璉字還素璜弟萬曆辛丑進士選戶部主事差
墅鈔關舊制商船過者以尺衡舡入稅後乃以寸

歲長萬餘金公至盡捐之惟以尺計商民交頌於途

益都縣志

卷之七

四十

事完差司大同邊儲出入平允給散以時各邊卒多
脫巾思變獨大同歡聲更起感痰疾暴卒將吏行伍
皆爲哀泣盖廉愛之感如此

曹珖字用韋號葆素少沉毅好學博通經史究心洙
泗之旨萬曆庚子辛丑舉鄉會魁授戶部主事力抑
中貴不以軍精抵諸璫債遷武選職方郎嚴絕餽遺
諸大帥轉求厥璫益力絕之清直震中外修飭邊政
樞務澄清陞河南叅政自以峻直多忌辭未任丙辰
大稔乏糧採樹頭春和穀豆煮食引日時欽發賑銀

十六萬兩米十二萬石時院 米不 公

按臺日亨歷數青人相食父子相食諸慘狀

賑米數萬石請速撥到急救遺黎由是饑民獲

南太常少卿首疏發紅丸案劾中貴崔文昇引李

誤用御藥後與鄒忠介馮恭定高忠憲諸公會講

于首善書院任大理時將逮楊左諸君公請養歸俱

忤魏忠賢逆黨交攻削奪爲民編入三朝要典禍不

測崇禎初起魏璫挫折諸臣首擢戶部侍郎立清諸

弊陞工部尚書加太子少保屢蒙欽褒實心任事清

益都縣志

卷之七

四十一

勤素著才品幹練等嘉稱會推吏部尚書與周宜興

素不牟阻之時特設戶工兩部總理太監張夔憲橫

撓不法公疏列其罪不報請告溫旨賜馳驛歸時政

尚綜覈閣部大臣多被譴謫獨公勇退榮歸內外仰

重後累起家宰總憲皆辭不就公釋褐四十餘年三

仕三予告大半家食家無中人之產安貧樂道著撰

解經史評大樹堂集青州考諸書年八十終公原

政 郎中璉母弟也兄弟同時進士俱

直

柱號

萬曆

上爲人外和中峻人不可干 私初授戶部主政
督九門廉能有聲丁艱服闋補工部主政修福王府
第排群議節省帑金無筭陞晉省大叅時明藩藩府
多強宗恃勢擾民公執法繩之宗室百餘人於戟門
大噪官吏皆股慄公冠服出堂上言笑自若申以大
義皆唯唯而退陞貴州按察使爲宵小中傷降申陽
牧楊漣諸公亟薦之復擢戶部尚書郎議光宗後葬
禮減大珠之費復省費無筭客氏侄結魏璫 金吾

益都縣志

卷之七

四十二

非時關糧公抗不與衆皆側目後陞秦省叅議明刑
飭法墨吏望風引避終以不附權貴再黜遂不仕游
歷諸名區山水晚復居青以壽終所著有道德經
測藏於家子之騏進士任給事中後督學山左歷右
布政使
翟鳳翀字爾騰生時祖母王太淑人夢赤霞擁一
衣降於庭二從侍捧節劍相隨弱冠登庚子賢書
辰成進士初授吳橋令究心民隱納戶封 自

夕单騎詣廠取粥先啖躬閱唱散所全活以億萬計
暇日進子衿而課之如范文貞公景文爲忠節名臣
卽公所首拔士也調繁任丘邑當南北孔道輪蹄輻
湊公剴割應酬恢有餘刃鄰邑李文敏公國樞方爲
諸生出所業爲贄公評其文推爲紗籠中人後果如
公言衆咸服其藻鑑庚戌以卓異選授御史時神宗
靜攝日久度政廢弛公慷慨入告糾稅璫橫弁發銓
省貪污狀不避政府不懼權貴直聲大著癸丑巡按
遼左霜斧雨車震搖山嶽蒐卒伍黜債帥覈功罪懲

墨吏廣儲時飭學政差竣回朝值山左大饑公具疏
入告上遣御史過廷訓賫帑金十六萬賑之神宗以
挺擊事召對輔臣無一獻替公具疏直彈又同官劉
光復越奏獲罪公具疏申掾亦侵輔臣未幾璫焰日
張公抗疏日激又攻禁地行刺之奸遂忤旨鐫秩調
外光宗登極起補留都戶部主政熹宗初擢武選司
卽中晋光祿少卿壬戌轉大理寺丞旋陞本寺右少
卿廷尉爲天下持平公執法明允必矜必愼無宿獄

寃民甲子開府延

繕城隍

士

巨寇數百結連晉地

命肆行

至

原公嚴檄道將密授方畧不旬日縛致轅門搜贓正
法遠邇寧謐嗣後魏璫禍起惡公耿介矯旨削籍日
事網羅以圖報復親識皆危之公坦然自若無何璫
敗起用清流公方以少司農應召遭封翁大鴻臚公
喪哀毀逾禮服闋陞兵部左侍郎巡撫天津公至勵
精率屬修練儲備百廢俱興漕河飛挽無稽時刻中
外倚重想望丰采而公以鞠躬積瘁病矣堅疏乞休
及歸又直太夫人之喪躡踊號泣前病益增遂至不

益都縣志

卷之七

四十四

起事聞賜祭葬封廕如例迄今冠裳甲第奕葉蟬聯
人以爲厚德之感云

邢慎言字養敏號默菴太保司馬公玠季子也少個
儻有大志工詩文善騎射留心世務見司馬故將吏
諮諏兵餉情形悉皆諳識萬曆丁酉舉於鄉丁未成
進士授戶部主事尚書趙公世卿知公才使視奏章
時章奏多沉閣惟公所裁定以時允行無滯者管九
門益法綜理有程商民便之歷員外郎中寧前道僉
事叅政繕城垣飭守具將吏肅然後以病歸卒

號明衡顏神鎮人萬曆庚子舉鄉試第
丁未成進士連丁內外艱哀毀踰禮服闋授大
事慈惠平允陞戶部主事監督徐庾徐三方瀕
河水大溢州人十萬戶錯愕分必死公倡衆力塞
之卒無患山左大饑流民就熟於徐治徐者懼生變
議遏之公持不可大爲饋具所全活者鉅萬擢守雲
中盡革諸蠹俗與民更始代藩諸子爭立公亢論侃
侃嫡嗣卒賴以定捐俸賑恤王孫兌泉諸生王懋德
等數百餘人尋拜監司治軍爲請兵餉繕城垣治鎧

仗精堅踰昔拜右僉都御史填撫大同視監司時張
設如一而精核過之將吏凜若冰雪循資入爲少司
農署部事併視倉場篆度支有法時議加派公謂舒
公之弊不宜見今日且民實不堪命其議遂寢晉大
司馬出督宣大山西軍務晉宮傳乞休歸公生平修
潔如玉不妄言笑汲引才雋不可指計而尤能周人
之急中外待以舉火者數百家所遇無小大皆得其
心卒之日聚哭勒碑者頃刻至千餘人其爲人所愛
大槩如此

字孝

庚子

鄉丁未成進士授戶部主事監庾河準出入
員外郎中出知西安府有惠政擢關內兵使者關以
內大治晉四川大叅丁母憂歸服闋補神木道實卒
伍峙糗芻以計擒巨盜麻四等晉方伯備兵榆材拜
右僉都御史巡撫特三之國道出江右供億
十萬所司之所不足令
諸郡邑括言長年夫悉官爲授直不得調
民間一毫無所寬厚見

益都縣志

卷之七

四十六

者不知其爲尊

一區蕭然仍

中丞公之舊子

家

石愔字鍾岐尚書茂華次

授戶檢校管

水兌收支公平大司農

之轉工部郎中時魏璫

勢灼內使逼修私公

應識者壯之尋陞庚西平

樂太守時平樂久不雨百姓流離人情叵測公至多
方賑濟禱雨輒應以爲東哲再見也搜發奸書關耀
等侵庫銀三千兩兩臺具題紀錄楚省礦徒哨聚千
餘逼近富川公時署兵憲卽選練將兵密授方畧擒

渠散 與地方寧謐舊額諸生

五人縣止十一人公力請各臺及督學使

縣增二士林稱頌六年撫軍鄭總督熊皆註

紳士耆老建生祠二一在江岸一在北山之

今俎豆思慕不衰

唐煥字蘊華號右文萬曆壬子舉於鄉丙辰成進士

授南京戶部主事監祿米倉釐奸剔弊籌畫精詳一

時稱爲至便出守保定大名兩郡皆有異績晉河南

水利道副使歲省河工銀萬餘兩歷睢陳道叅政河

北道按察使淮徐道右布政使巨盜李五號四眼王
聚衆二千餘人爲亂公設計擒之而散其黨徐城久
圯公捐俸重修民不勞而告成築堤捍河迄今豐沛
悉賴其功云

馮士衡字于平號宗遠贈資政大夫司寇漢中郡丞
諱珣長子也幼而岐嶷莊重讀書貫澈經旨子史稗
編無不廣覽遐記性溫藹與人無所忤而內持嚴正
不以委曲從人大宗伯文敏公亟稱之年十七游泮
每試輒冠多士九赴省試皆擬前列卒不遇明泰昌

元年以恩拔入成均庚午授浙之孝豐令邑僻在萬山地連甌粵刁獷難治公以慈祥爲理而科罰悉捐民不忍欺由是政清刑減治狀爲諸邑最邑舊有溺女惡習公嚴革其弊全活甚衆歲暮維丹嘉興郭外值夜大風隣商丹覆號呼求救時值昏夜無一人往者公大呼長年懸重賞衆乃爭往七商皆甦公傾篋中資盡給之邑自嘉靖戊戌而後無登甲第者公建奎光閣英雋蟬聯於今不絕又請輕下山則例而積困得蘇均平里社簽解而追呼無擾革龍潭醮金之

費精誠祈禱晴雨輒應或禱惟在道班白童稚聚觀嬉戲亦不嗔喝曰父母愛子姓固應如是也蒞任七載八膺薦剡奏績貤封方擬大用以戶書互訐之案羅織罣誤囊篋蕭然歸里後日趨庭闈侍尊人璞庵公璞庵公家訓素嚴或不懌子姓皆怵惕公婉色怡聲先意承志卒得其歡數十年如一日也璞庵公病公侍湯藥晨夕靡懈及居喪過痛兼以營葬憂勞舊有足疾復病症冲卒年五旬有九

皆痛

生平未登大耋今仲公

翰院官大學士累荷

恩榮崇勳懋績人以爲長厚之報云

蔣如莘字賔王號少陽幼好學能文弱剋游泮每試輒先多士屢赴省試不以恩拔入太學謁選授容城令容城近畿內半屬中官田產親族廝養恃勢驕橫公以法繩之宦寺側目以公清正無芝索癥陞邠州知州州賦故多積逋前後牧皆束手望考成公爲清欺隱抑兼并革羨耗不事猷朴而積逋畢清兩臺兢註上考陞楊州郡丞廣陵南北都會夙稱繁劇諸

益都縣志

卷之七

四十九

臺使以公廉幹凡疑獄大案諸司所不能決者試以屬公無不立剖有巨商於湖中被盜治獄者誤執良民劉壁及其僕八人煅煉成獄已傳爰書公審知其冤力持不署紙尾未幾果於他案得真盜贓仗俱確還近大服其餘燭奸燃犀尚多公案膾炙人口方擬次擢公大用以太夫人年邁邁疾遂乞歸養天啟

恩晉階四品居鄉日以詩酒文翰自娛推擅臨
歲六儉公捐粟助賑全活

孫臣

午中式武榜能守其先業

夏詠字永言賦性方正苦志向學與司空曹公琰總
憲房公可壯以文字爲莫逆交由天啓辛酉恩貢授
贊皇令重土恤民流寇圍城公帥衆堅守城賴以全
子象晉由拔貢任陽和通判兼管雲鎮屯田機務煩
劇以勞瘁病卒於官

馬之驥字勝千號渥印幼失父九歲知向學寒暑弗
輟其業補弟子員從遊日衆與諸名士結社論文覃
精經籍不知有戶外事一時奔競爲之頓息天啓甲

益都縣志

卷之七

五十

子隽賢書乙丑成進士授館職以忤魏闈歸崇禎初
起簡討日直講修實錄召對稱旨知制誥典試閩省
得人尤盛陞國子司業署祭酒蒙枚卜名在第五以
積勞成疴卒時甚惜之公平生耻逐浮華克敦實行
所撰有四書摘義素言等書藏於家

益都縣志卷之七終